



Minister Visser hunto cu delegadonan.

*Conseho mundial di academiconan universitario*

## Minister Visser nomina pa ricibi premio “Eureka



dr. Richard Visser ta trahando varios proyecto den nos comunidad, specialmente nos muchanan



Minister Visser nomina pa ricibi premio “Eureka”

**ORANJESTAD** -- Minister di Salubridad Publico y Deporte, dr. Richard Visser ta trahando incansabel riba varios proyecto cu ta na bienestar general di henter nos comunidad, specialmente nos muchanan.

Desde cu dr. Visser a haya e cartera di salud, el a cuminsa enfoca enormemente riba salud general di nos muchanan, ya cu esey ta e base pa un comunidad fuerte y saludabel. Un cantidad di actividad di movecion el a implementa y semper motivando tur

hende pa sigui haci movecion y hiba un estilo di bida mas saludabel.

Premio EUREKA ta uno masha special y sigur di nivel halto. E premio aki ta wordo dicidi pa 38 pais di tur continente y 18 representante di e Academianan Universitario, cu a participa na e seleccion di e nominadonan y consecuentemente na e galaradonan. Siman pasa COMUA a reconoce e científico- y academiconan rond mundo y Minister dr. Richard Visser a ricibi e premio EUREKA di e Con-

seho Mundial de Academiconan Universitario (COMUA). Minister Visser a haya e premio EUREKA pa su gran aporte na e proteccion di nos muchanan pa medio di su proyectonan di prevencion di obesidad infantil.

El a ricibi e premio aki hunto cu 3 personalidad internacional mas, esta; Candidata Presidencial di Honduras, e Presidente di Comité Olimpico Cubano y e investigadonan di e Universidad di Barcelona, Veronica Violant.

Un honor grandi sigur pa un mandatario ricibi un premio di tal magnitud pa tur su empeño, dedicacion y trabou pa bienestar di nos comunidad. Na e celebracion aki tambe tabata presente, señor Wilfred Lemke “deputy Secretary di UNO” cu ta un promotor di “Sports for All” y ta convenci cu mester educa nos muchanan pa medio di haci deporte. P’esey e empeño di nos minister pa inculca deporte y engrandece esaki riba nos isla, paso esey lo ta e yabi pa evita obesidad como tambe criminalidad. □